



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Martini Bonacinæ Vtrivsque Signatvræ Referendarii
Compendium Omnium Operum de Theologia Morali,
omnibusque conscientiæ nodis**

Bonacina, Martino

Coloniæ Agrippinæ

Interdictum.

urn:nbn:de:hbz:466:1-41152

Ingratitudo.

Ingratitudo ex contemptu magni beneficij , grave est peccatum, quod pauci reputant.

Injuria.

Non tenetur quis remittere debitam sibi pro injuria satisfactionem; nec verò potest, si est subditus alteri, ut uxor, filius, religiosus. Potest verò collegium regulare, factam religioso injuriam, remittere ipso etiam reclamante, secus est defunctori, ut Canonorum Syl. ver. *injuria n. 7.*

Injuriam repellere licet, etiam percutiendo, si id opus sit ad necessariam defensionem , post acceptam tamen injuriam, non licet repercutere ad vitandam ignominiam. D. Thom. & Cajet. 2. 2. q. 108. art. 1. vid. Syl. l. c. num. 6. Fum. ver. eod. num. 5.

Non facit injuriam , qui ut aliquem à testimonio ferendo, aut beneficio consequendo, repellat, vocat verè furem, authomicidam, cum animo denuntiandi, aut accusandi, utitur enim iure suo, dummodo id non ex odio, & coram iudice competente faciat , & crimen non sit occultum, sed probari possit. Fum. l. c. num. 3.

Deriso ob contemptum gravior est contumelia , hæc autem gravior detractione. Hæc Ema Sa in aphorif.

Interdictum.

1. Interdictum est Ecclesiastica censura, qua homo separatur à perceptione quorumdam sacramentorum, à divinis officiis, & à sepultura Ecclesiastica. Triplex est interdictum: locale, quo directè interdicitur locus: personale, quo prohibetur populus vel aliqua persona particularis audire divina officia mixtum, quo interdicitur locus & persona. ro. 1. de Interdicto, disp. 5. punct. 1 n. 1. & 2.

2. Hæc tria interdicta sic inter se sunt diversa, ut interdicta Ecclesia , sacerdotes possint in alia Ecclesia persolvere divina officia. Ibid. n. 2. & 3.

3. Interdictum quo interdicitur aliqua parochia aliqui oppidi, vel civitatis, in qua sunt aliæ parochiæ, non est genere-

generale, sed speciale; quia generale interdictum est, quando interdicitur regnum, provincia, dioecesis, civitas. Similiter non est interdictum generale quando interdicuntur Ecclesiae cuiuscumque loci cum non remaneant interdicta omnia loca. *Ibid. num. 7. & 8.*

4. Interdictum provinciae, vel civitatis est interdictum locale generale; consequenter sub hujusmodi interdicto comprehenduntur omnes Ecclesiae etiam Cathedrales Metropolitanae. *Ibid. num. 9.*

5. Interdicta dioecesi, non censetur interdicta civitas, nisi clarius exprimatur. *Ibid. num. 11.*

6. Interdictum personale generale illud est, quo interdicitur generaliter populus totius regni, vel provinciae, vel civitatis, &c. Speciale vero quo interdicitur pars populi, & communitatis, v. g. academia aliqua, vel Collegium, vel pars oppidi. *Ibid. num. 12. & 13.*

7. Interdicto clero non censentur interdicti religiosi, qui religiosi in odiosis non veniunt nomine cleri. Item interdicto populo non est interdictus clerus, & è contra, contra multos: verum interdicta familia, interdicti censentur clerici & alii eiusdem familie, & interdictis Doctoribus, censentur etiam interdicti clerici Doctores. *Ibid. n. 14. & seqq.*

8. Interdicto populo civitatis non sunt interdicti qui habitant in suburbis, si illi non sint de populo istius civitatis. *Ibid. n. 18.*

9. Homines communitatis interdictae, qui absunt, ligantur interdicto, cum sint pars communitatis interdictae: interdicto populo, non intelliguntur interdicti exteri alterius civitatis, quamvis ad longum tempus ibi habitent, ut sunt scholares, &c. *Ibid. num. 19. & 20.*

10. Interdicta communitate non censentur interdictamentes, vel pueri carentes usu rationis, cum non sint dolentes & culpae capaces. *Ibid. n. 21.*

11. Interdictum personale generale intelligitur de singularibus personis, quia non interdicitur communitas ab initio, & tunc pro frustaque ferreret interdictum, si singulæ personæ adhuc possent divinis interessere. *Ibid. num. 22.*

12. Interdicta civitate, sunt etiam interdicta suburbia, id est, ædificia quæ sunt extra muros illius civitatis, vel illis contigua, vel vicina, ad quæ possit populus confluere ad audienda divina; & hoc valet etiam si illa loca sint alterius dominii,

mini, aut diœcesis; quia alioqui parvi penderetur interdictum; propterea etiam interdicta aliqua civitate per interdictum locale generale, censentur etiam interdictæ religio-
num Ecclesiæ, quæ alias sunt exemplæ, tenenturque reli-
giosi hujusmodi interdictum servare, nec possunt uti privi-
legii sibi concessis ante Concil. Trident. *Ib. n. 23.* & seq.

13. Interdicta Ecclesia, intelliguntur etiam interdictæ ca-
pella & coemeterium, quia sunt unum corpus cum Eccle-
sia. *Ibid. num. 26.*

14. Interdictum latum generaliter contra terras alicujus
Principis, cadit in omnes terras ejusdem Principis, quas
possidet tempore lati interdicti, quia verba generalia sunt
generaliter intelligenda *Ibid. num. 27.*

15. Judex qui aliquem locum interdixit, tenetur abstine-
re ab officiis persolvendis in eo loco quem interdixit; quod
si interdictum sit personale, non includitur ipse in tali inter-
dicto, non enim potest scipsum interdicere. *Ibid. num. 28.*

Causa interdicti.

16. Causa efficiens interdicti, à qua scilicet interdictum
fieri potest, est illa eadem quæ potest alias censuras ferre:
par enim est omnium ratio. *Ibid. punct. 2 num. 1.*

17. Papa potest interdictum ferre; Episcopus etiam nunc
sine consensu Capituli; Prælati religionum (si loquamur de
interdicto personali,) & Capitulum Sede vacante. *Ib. n. 2.*

18. Subjectum interdicti personalis sunt homines, in quos
jurisdictionem externam spiritualem exercere potest is qui
ferit interdictum. *Ibid. num. 3.*

19. Causa materialis interdicti est culpa, quia interdi-
ctum est poena spiritualis, poena autem supponit culpam.
Ibid. num. 5.

20. Causa finalis interdicti est resipiscientia & emendatio
delinquentis. *Ibid. num. 6.*

Effectus interdicti.

21. Tres nunc sunt effectus interdicti: privatio aliquo-
rum sacramentorum, privatio divinorum officiorum, &
privatio sepulturæ Ecclesiasticæ; jure antiquo plures erant
effectus. *Ibid. punct. 3. n. 1.* & 2.